

彭剛直公奏稿

彭 奏

剛 稿

江苏工业学院图书馆
藏书章

直公 全書

光緒壬寅上

海西法石印

序

彭剛直公以豐功偉略亮節清風由諸生起家而登八座負海內重望者垂三十年雖窮海絕徼無不震懾其威名雖邱里細氓亦知倚之以為重咸豐同治以來諸勳臣中始終壓服人心無賢不肖交口稱之而無毫髮遺憾者公一人而已公雖以戰功顯而翰墨固其所長敷歷中外幕無僚友上而

朝廷章奏下而與友朋書札皆手自屬稿不假手於人光緒十六年公薨於里第余命孫陞雲往弔得其奏疏若干篇以歸公一生戰績及其出處大概具見於斯是不可不傳之於後世余乃粗為排比釐作八卷其中數篇已見曾文正集中蓋當時公與文正會奏者或疑此殆由文正主稿宜從芟雜余謂不然

國家定制凡朝臣會議之摺摺尾必聲明云此摺係某衙門主稿若疆臣會奏初不聲明篇中臣某臣某各陳己見在當時既未嘗以某人主稿明告

君父則後人何能臆斷為某人之筆乎若必削而不列則兩集皆不宜載而此文竟無可入之集矣文字不存事迹湮沒後人何從徵信乎又有謝

恩諸摺照例用四六文者或謂亦可不存余又謂不然體雖駢儷而感激之意出於至誠忠憤之氣溢於詞翰豈他人捉刀者所能道乎余見近時諸名公奏疏尋常例報之摺備列無遺公皖撫江督力辭不就故此等例摺無一焉然則又何刪乎至於每摺所奉

諭旨他集或有載入者綸綍之重附錄於後竊謂非宜唐宋人奏議亦無此例故未敢同也公晚得風疾言語不清每發一摺稿成於腹而口授於人或猝不能曉發憤以手擊案又咄咄而授之稍涉繁冗職此之由悉仍舊文不敢增損每讀其文至臣以寒士始願以寒士終未嘗不肅然起敬又云士大夫出處進退關繫風俗之盛衰天下之亂不徒在盜賊而在士大夫進無禮退無義大哉言乎自古名臣奏議未有見及此者也嗚呼此其所以為剛直公之文歟

光緒十七年歲在辛卯冬十月德清俞樾

彭剛直公奏稿目錄

卷之一

謝授廣東按察使 恩摺

遵議苗逆剿撫事宜并再辭皖撫摺

會商防剿苗逆情形摺

謝授兵部侍郎 恩摺

會奏克復巢縣等三城并攻奪沿江要隘摺

會奏克復秣陵關等要隘摺

會奏巢縣小挫銅城關兩次獲勝摺

會奏再克巢縣等三城摺

謝賞 文宗顯皇帝御製全集 恩摺

謝賞黃馬褂 恩摺

辭署漕督并請開兵部侍郎缺摺

請開缺回籍補守制摺

遵 旨暫緩回籍片

挑選大礮運赴衡州片

詳酌水師事宜摺

為水師提督請開缺養病片

請開回籍養病摺

辭安徽巡撫請仍督水師剿賊摺

三辭皖撫并陳明不能改歸陸路摺

謝以兵部侍郎候補 恩并陳防剿事宜摺

會奏迎剿上黨賊匪獲勝摺

會奏克復太平蕪湖並金桂關東梁山要隘摺

會奏水陸獲勝刀保各要隘摺

會奏攻克東關銅城關兩要隘摺

會奏攻克江浦浦口及九洲洲摺

會奏疊復水陽等隘及高淳等四城摺

謝賞世職並加太子少保銜 恩摺

再辭署漕督并請開侍郎缺摺

謝准開缺回籍 恩摺

遵 旨暫緩回籍摺

巡閱長江摺

長江水師不兼習弓箭片

謝署兵部侍郎 恩并陳明未能到任摺

謝准開缺 恩并遵 旨每歲巡江摺

奏報巡江并定每年巡閱章程摺

額請節哀摺

謝賜剿平粵匪方畧 恩摺

請祠祭江忠源等片

奏報巡江起程摺

覆奏水師宜練陸戰片

保舉人材摺

遵 旨酌度分駐處所摺

遵 旨酌度摺

卷之二

奏報巡江起程摺

籌辦焦山以下江陰以上海防片

遵查兩江總督參款摺

辭署兩江總督并請開巡江差使摺

謝京察優叙 恩摺

會商海防事宜摺

補陳前摺未盡之言片

遵查湖北操防營兵丁滋事摺

遵查湖廣總督參款摺

奏報巡閱事宜摺

敬陳管見籌自強之計摺

會商江防情形摺

請附祀吳炳崑片

遵查海口情形摺

遵 旨整頓水師預籌布置摺

遵 旨調操兵輪船片

奏報巡江并會操兵輪船摺

請造小輪船片

力阻鐵路請造小輪船片

覆奏加意籌備片

請籌費趕造小輪船片

再辭江督并請明差使摺

會覆侍講張佩綸海防事宜摺

遵查兩江營務處被參各員摺

保舉將才片

密陳籌畫片

辭兵部尚書摺

奏報赴粵部署大畧摺

請飭照會通商各國片

奏報到粵布置摺

設儲備局請免抽米釐片

會奏派營駐守瓊州摺

暗結暹羅襲取西貢摺

謝賜福字并荷包等件 恩摺

會奏廣東團練捐輸事宜摺

籌防瓊廉并省城門戶片

卷之三

會覆欽廉進兵摺

會奏籌防瓊州摺

力阻和議片

會奏廣東積弊摺

請接濟劉永福片

密籌暹羅布置片

密籌補救越南片

會奏為前總督請卹摺

謝賜 御書匾額 恩摺

密奏軍情片

請飭湖南巡撫應付軍需片

請撥軍餉片

遵 旨加意鎮定片

會覆潘衍桐請用土兵摺

奏覆鄧承脩罰捐貪吏摺

遵覆所指各節片

會奏派將出關摺

進紫虎門外要隘摺

籌防廣東守禦情形摺

安插投誠土匪片

再陳廣東積弊摺

緊要事件益加慎密片

遵 旨覆奏并陳今昔情形不同摺

會查兩廣總督參款摺

會覆長江太和改用輪船摺

奏覆龍湛霖出奇制勝片

飭總兵回任片

代陳海防管見摺

謝賞福字及荷包等件 恩摺

嚴備戰事以應後患摺

改建船山書院片

請開缺專辦粵防摺

請褒賞馮子材李秉衡摺

卷之四

會議廣東閩姓摺

海防善後事宜摺

飭道員回浼片

請撤防開缺銷差摺

會查副將知府參款摺

為病故弁勇請卹摺

請以李宗叢事蹟付史館片

報銷節賞及補給行糧片

謝賞假回籍調理 恩摺

報遺留營勇事竣由粵起程摺

奏報廣安水師現已成軍片

請撥月餉摺

會奏大舉規越摺

謝京察優敘 恩摺

報銷軍餉摺

奏留丁憂知縣片

會奏廣東援桂獲勝及遵 旨撤兵摺

創設廣安水軍摺

密保海防將才片

遵查廣東藩司參款摺

會查營弁參款摺

飭還主事回京供職片

為廣西出關病故弁勇請卹片

為奏職臺弁勇請獎片

長江水師不宜改用輪船摺

為永寧請卹摺

為遺知縣回原省片

安頓金滿片

請卹姜維寶片

會查廣東學政參款摺

粵防報銷完竣遵旨回籍摺

扶病起程巡江摺

巡江事竣請開缺開除差使摺

巡江事竣再請開缺開除差使摺

奏報回籍日期摺

會請已故藩司優卹摺

報銷第二起軍餉摺

請開缺并開除差使摺

謝賜人僕恩摺

假滿未愈扶病巡江摺

謝開缺並暫免巡江恩摺

袁剛直公奏稿

彭剛直公奏稿卷之一

謝授廣東按察使 恩摺 咸豐十一年 月 日

奏為恭謝 天恩事 咸豐十一年四月二十五日接奉湖廣督臣行知咸豐十一年三月二十日奉 上諭廣

東按察使著彭玉麟補授欽此竊 臣楚南下士知識愚庸於咸豐三年隨同督臣曾國藩營帶水師疊蒙 恩

賞錄及微勞由知縣洊升 簡放浙江金華府知府廣東惠潮嘉道 賞加布政使銜記名按察使均因水

師軍務羈留未能赴任方以鯨鯢未靖莫展尺寸之功豈期驚鴻無能更荷 九重之寵闡 命之下感悚

難名竊念粵東乃嶺海要區臬司為刑名總匯懲奸剔蠹責重事繁 識淺力微大懼弗克勝任惟有學以廣才

勤以補拙瑣戈敵愾常究四奇四正之兵嘉石建窮兼晰五罰五刑之律所有 微臣 感激下忱謹附兩江督 臣奏

報之便恭摺叩謝 天恩伏乞 皇上聖鑒謹 奏

辭安徽巡撫請仍督水師剿賊摺 咸豐十一年十月二十四日

奏為恭謝 天恩 滬陳下情仍請督帶水師親赴下游剿賊恭摺仰祈 聖鑒事 竊十月十三日承准湖廣

督臣王文韶開咸豐十一年九月十七日內閣奉 上諭安徽巡撫著彭玉麟補授即赴新任毋庸來京請訓

未到任以前仍著曾國藩署理欽此聞 命之下感悚難名竊 臣衡陽一諸生父母棄養終鮮兄弟孑然一身少

時操習舉業不知乾幹亦無搏擊之勇徒以逆賊猖獗激於義憤遂從帥 臣曾國藩於軍旅之中矢念殺賊初時

創立水師曾國藩以 臣粗有膽識飭 臣同今福建提督 臣楊載福製造礮船編立營哨候習風濤沙水之性久而

稍諳駕駛與賊轉戰湖湘屢瀕危險幸不覆沒此皆仰賴 聖主威福諸將帥精心維持士卒用命非微 臣之

力所得與也中間疊荷 鴻恩超擢不次每一除授 臣必具稟帥 臣自陳材力粗疎不諳地方公事請為代奏

開缺曾國藩亦深諒 臣愚衷非出矯激屢請留辦軍務皆邀 俞允不圖 恩命有加無已 臣亦何心敢自

外於 高厚生成伏念封疆大吏有節制文武之權鎮撫軍民之責措置一有未當必致上負 朝廷下誤

蒼生以臣起自戎行久居戰艦草笠短衣日與水勇舵工馳逐於巨風惡浪之上一旦身膺疆寄進退百僚問刑
名不知問錢穀不知譬之跛者行生僻之路其為顛蹶不待履蹈坎壈而後知也且臣不學無術褊急成性十年
江上身受風濕筋骨痛疼心血虧損善忘多病更虞不勝重任連日與督臣熟商浼其代為陳情督臣以向來無
此體制且辭不受 命跡近沽名必獲 謹責臣再四思維與其勉強負荷終貽誤於 國家不若冒昧

直陳冀見原於

君父為此籲懇

聖恩准開臣缺

簡放賢明精幹大員接任安徽巡撫整頓吏治兵

事使臣得以一意辦賊努力前驅感戴

皇仁實無既極所有微臣叩謝

天恩懇陳下情緣由謹具摺專

差陳奏伏乞

皇上聖鑒訓示

臣無任悚惶待

命之至謹

奏

遵議苗逆剿撫事宜并再辭皖撫摺

奏為欽奉迭次

諭旨恭摺覆陳仰祈

聖鑒事竊臣准督臣

曾國藩咨承准議政王軍機大臣字寄咸豐

十一年十月二十日奉

上諭前據奏甲三奏苗沛霖攻破壽城仍復求撫當經諭令彭玉麟等酌量情形辦

理嗣據官文等奏已遵派提督成大吉等帶兵馳赴霍山六安一帶扼要駐紮與壽州聲勢聯絡復諭令該大臣

等應撫應剿妥商具奏昨日據嚴樹森奏稱苗練於破壽城後擬分黨西竄一由三河尖直撲光固一由潁太沿

沙河直撲陳郡進窺汴梁費臻株守潁城已成坐困成大吉等雖赴霍六進紮倘苗逆由潁西趨未能迎截現在

楚境肅清請飭官文等或撥隨州兵勇取道豫境由信羅光固前進或撥黃州兵勇取道麻城由商固前進均由

三河尖馳援潁郡規復壽州並令彭玉麟親統而行各等語臣查苗沛霖自破壽州意圖西竄已據費臻具奏惟該署

撫在潁困守莫展一籌若潁郡有失則楚豫均受其害嚴樹森雖派兵前往尚未能迎頭截剿如果苗沛霖以求

撫為名冀緩我師自當合力痛剿豈可坐失事機若真悔罪輸誠亦當解散黨羽以孤其勢庶操縱得以在我不

至任其要挾著官文曾國藩彭玉麟李續宜等悉心籌商彭玉麟現在安慶是否能由楚境援潁黃郡隨州之師

是否可以分撥務當統籌大局商酌覆奏不可稍涉大意致有遺誤等因欽此十月二十三日奉 上諭據奏

甲三奏苗沛霖願意求撫而另摺又稱剿撫兩難已諭知素甲三將應剿應撫速行的辦官文等惟當飭令帶兵各員與素甲三商定辦理彭玉麟身任皖撫應將此事悉心籌商等因欽此十月二十五日奉 上諭賈臻奏

苗沛霖自入壽城後殺害大戶不少翁同書所奏苗沛霖求撫各情乃係博崇武等受意把持非翁同書之所欲苗練現回下蔡留眾二千餘人占據壽城探聞傳集逆黨先攻臨淮次攻潁郡又有分據蒙城占取潁上之信並令阜東各圩悉眾東下勝保能抽身一到數旬即可底定等語苗沛霖就撫情形本因皖省兵力不敷暫為一時權宜之計昨據素甲三陳奏各情朕亦洞鑒其毫無把握是以嚴旨切責現在賈臻所奏該練有先攻臨淮次攻潁郡分據蒙城占取潁上之信是該練臨張情形以乞撫為援兵之計已可概見前經迭諭官文等籌商令彭玉麟或帶隨州黃郡之兵由三河尖馳援潁郡現在彭玉麟能否前往未據奏覆該撫有地方之責設任苗練占踞臨淮潁上則將來辦理愈形棘手自應酌度情形倘苗練尚可就撫即當速為展援俾知畏懼兵威如情形反側亦宜迅速進兵與素甲三會合攻剿其駐紮霍六之提督成大吉等既與壽城相去甚近能否即移師前往並著官文曾國藩彭玉麟李鴻章妥為籌商相機辦理另片奏首先投苗之守備趙森保為賊內應之遊擊朱佩分都司柏雲錦千總吉玉成外委朱淮潮均著交彭玉麟查辦副將黃鳴鏗是否被苗練戕害並著彭玉麟查明具奏等因欽此十一月初五日奉 上諭苗沛霖心懷反側勢日熾張雖口稱待撫而攻奪附近各圩焚掠自如

此時淮北兵力較單誠為苗練乘虛竄踞則豫東兩省均為該匪侵擾勢將益滋蔓延曾國藩彭玉麟均有地方之責著即迅速籌商仍遵前旨由彭玉麟統帶楚師馳赴潁阜一帶嚴扼北路要隘相機辦理如果苗練萬不可撫即與駐紮霍六楚軍分路進攻並約會素甲三李忠忠各軍東西夾攻為一鼓殲除之計彭玉麟身任皖撫責無旁貸諒能遵奉諭旨迅速統兵北上也等因欽此伏念 臣前奉 恩命擢授皖撫尚在湖北途次旋回至安慶具摺恭謝 天恩仍請督水師赴下游剿賊並籲懇 俯准開缺另簡各情於十月二十四日專弁賡陳嗣聞豫捻梗阻未知曾否到京茲迭奉 寄諭飭 臣籌商苗沛霖應剿應撫親赴潁阜一帶嚴扼北路要隘相

機辦理仰見 聖謨廣運訓示周詳曷勝欽悚臣查苗沛霖自咸豐六年藉練勇剿捻為詞裝旗據糧其行為

與捻匪無異經勝保倡議招撫素甲三翁同書均具摺保獎迭加超擢該練總遂挾制官府以顯侵其權煽惑鄉愚

以漸增其黨馴至今日並未為 國家克復一城而反佔踞懷遠霍邱壽州形勝之區自為犄角並未為

國家專打一賊而反勾通陳玉成張樂刑各股之逆肆行竄擾叛迹昭著巢穴已成始終皆誤於撫之一字本年

苗沛霖初圍壽州託名報仇迨孫家泰蒙時中徐立壯各家先後屠戮獻級以快苗逆之心而圍攻如故張學鵬

博常武等開說萬端斂錢輸送而圍攻如故直至攻陷壽城殺戮淫擄慘酷異常而反以不叛為詞逮暨踞壽城

窺伺臨淮圖竄潁郡而反以求撫為詞近接各路探報苗沛霖勾結髮逆陳時永率黨萬餘人上竄將由商固以

犯湖北之羅田麻城等語是彼並無願撫之心而我猶存羈縻之說必為該逆所竊笑用兵之道貴先明順逆以

彰 國威次禁擄掠以定民志皖北民風強勁非不可用惟形勢日久正氣不伸苗沛霖者 國如此虐民

如此而尚復議撫則逆黨愈以得志良民誰不寒心若不准再撫則未從苗者必齊團以自效已從苗者將畏罪

而來歸苗逆之應剿不應撫可一言而決矣惟苗沛霖現恃專逆為與援廬州要地尚為狗逆所據楚師分屯於

桐舒霍六廬江無為運漕等處暫不能越廬巢而攻壽州臣等悉心籌商必俟廬州攻克南路局勢穩固然後可

盡撤各防併力攻苗以期一鼓殲滅其詳細情形應由督臣官文主稿會同曾國藩李續宜與臣另行覆 奏

臣渥蒙 聖恩奉任皖撫責無旁貸本應恪遵 指示親赴潁阜一帶先固北路相機援剿無如臣從軍八

年專帶水師未曾募練陸師亦未曾在陸路打仗久習江湖之性舍此良非所宜日居戰艦之中接受撫篆終多

未便現在長江上下千有餘里水師船隻千餘號自楊載福假旋後臣督率布置未可遽離將來楊載福回營如

下剿蕪湖金陵臣與楊載福須分路督剿如皖浙之賊再竄江西湖北臣與楊載福當一駐下游皖江一帶上游

鄂江以資控扼就皖省大局而論形勢則陸多於水軍情則北重於南為皖撫者必須有素能得力之馬步大隊

調派應手方足以利攻戰而防北竄潁州一帶距臣江面水營不下七八百里實有鞭長莫及之勢前剿黃州之

成大吉等重本優李續宜之部已進紫雲山六安前剿隨州之劉徽昭一軍本歸駱秉章調度已由施南順道入
蜀臣即一旦疊舟而陸無一旅一將供其指揮若倉猝及募臨敵必致僨事若強統客軍恩信又難相孚臣聞

命以來日夜懷惶頃自運漕回至安慶與督臣曾國藩熟商曾國藩亦以水師責任重大楊載福尚未假旋囑

臣不可舍水而說陸臣素性愚蠢罔知趨避亦無絲毫矯飾惟晚撫宜帶陸兵微臣難離水營不得不直陳於

君父之前伏懇 聖主鑒臣微悃准開臣缺仍令督水師進剿另簡賢員接任防剿北路頭阜一帶不勝懇

切待 命之至臣前由安慶下駛池州無為秋港運漕東關察看前敵水陸各營十二月初始回安慶黃陂夾

老營是以覆奏稍遲合併聲明所有迭奉 諭旨欽遵覆陳各緣由謹專摺由六百里馳奏伏乞 皇上聖

鑒訓示謹 奏

三辭皖撫并陳明不能改歸陸路摺 咸豐十一年十二月十七日

奏為欽奉 諭旨再行懇陳下憫恭摺覆陳仰祈 聖鑒事竊臣於十二月初十日承准議政王軍機大臣

字寄十一月二十二日奉 上諭前因苗練跋扈疊經諭令彭玉麟速籌馳援賴壽茲據奏甲三奏苗沛霖未

能帖然歸順已派員前赴六安迎探楚師約會夾擊緣回前次寄去明發諭旨並稱費臻才不勝任兼係病軀彭

玉麟現在安慶到任自必迅速請飭該撫幫辦軍務賴壽各軍悉歸調遣各等語已明降諭旨令彭玉麟幫辦索

甲三軍務矣檢首張樂刑欲渡淮河經索甲三諭令苗沛霖截剿未肯允從其存心叵測顯而易見該大臣已密

派大員由間道馳赴六安約會楚師夾擊應已辦有眉目彭玉麟身任皖撫現復幫辦索甲三軍務於剿辦苗練

事宜責無旁貸著即遵照前旨設法馳赴賴壽會同索甲三要為辦理並多帶楚勇以資得力費臻既才不勝任

兼之多病自應即行撤任惟所帶兵勇現在乏人統率一俟彭玉麟到潁州後派有妥員接辦一切即行覆奏以

便明降諭旨飭令該布政使送部引見再有人奏安徽按察使張學鵬福建汀漳龍道徐曉峯所得軍功多係冒

濫張學鵬以知縣帶勇討扣餉銀捐升知府與苗沛霖結拜兄弟委曲逢迎不顧大局以致叛練鵬張徐曉峯帶

真圖攻余家圩三月之久未獲一匪迨該匪遠竄後該員即以攻破賊圩斬獲千餘級具稟等語軍營人員冠扣鉤銀冑果邀功最為可恨至張學醇如有逢迎苗沛霖以致該練日益橫行之事尤應嚴加根究者素甲三彭玉麒將該二員被奉各款密速查明從嚴恭辦毋許稍涉徇庇原奏著抄寄閱看等因欽此仰見 皇上慎固封

守儲名實之至意聞

命之下兢惕莫名臣前奉

旨升授皖撫當經具摺懇陳下情專弁齎送進京嗣

迭奉

寄諭飭臣馳援穎壽復將苗沛霖亟應剿辦皖撫宜帶陸師微臣難離水營各情於十二月初七日由

驛具

奏在案伏念臣

自咸豐三年隨同督臣曾國藩創造水師轉戰湘鄂江皖各省積有微勞荷蒙

國家多難兩宮皇太后親裁庶務擇人

文宗顯皇帝擢至司道我

皇上訪落之初又蒙簡膺驛寄際茲

國家多難兩宮皇太后親裁庶務擇人

任使中外臣工罔不竭智盡忠及時報効臣雖至愚極陋而以一諸生忝竊至此具有天良何敢自外

生成

稍存諉卸惟目下之苦情與將來之局勢有不能不披瀝上陳者臣久帶師船於風濤沙水之性船廠攻守之機

稍能諳習若改任皖撫幫辦素甲三軍務則必舍舟而登陸似屬專長而用短

諭旨令臣多帶楚勇以資得

力凡帶勇之事必須親自募練恩信素洽調度方靈無論水勇改為陸勇其勢斷不可行即撥他人之陸兵強隸

微臣之部下亦不能得其死力今日楚勇聲名較著者如多隆阿李續宜鮑超曾國全諸軍皆稱得力然各有防

剿之要地各有分帶之編裨勢難多撥與人上年都興阿揚州之行奉

旨七次籌兵半年而卒之所撥不滿

千人即其證也若使東撥一隊西分數哨雜湊成軍何足濟事苗沛霖所踞皆形勝之區所部多兇狡之黨而又

南通粵逆西勾捻匪一經交手斷非一年半載所能了事又豈弱將孤軍所可制勝

諭旨以素甲三奏令穎

壽各軍悉歸調遣臣聞壽州兵將多與苗練暗通穎州一軍人數無多驕疲更甚臣

即隻身往統其眾有兵與無

兵等徒長苗練侮弄之氣反累

朝廷知人之明此臣

目下無陸兵可帶之情形也楚軍水師血戰數年倖保

江面千餘里之地近歲以來大股賊匪分路上犯臣與提臣楊載福分投截剿踞蹙不遑現在楊載福請假歸籍

固不可遽離水營明春楊載福回營以後若陸軍進剿金陵蘇常臣與楊載福當一赴下江一留上江若賊匪